

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 1495 del 26/05/2022

Traduzione in cimbro

Festival von djungen von Euregio: ma makse innschraim sin atz 14 von prachant

Von 21 sin atz 24 herbestmånat 2022 da ulfte editziõng von Festival von djungen von Euregio bartze haltn ka Rovrait in Trentino un 36 studentn von 16 afte 19 djar bartn soin gerüaft zo reda übar “vornaügarn un traditziõng”.

Dar Festival von djungen bartze offetüan gianante z’sega daz näüge åmt vor informatziõngen un vo koordinamént ka Tria un bartnse vennen zo reda pitt espèrte un asó di djungen mang diskutarn übar in Euregio un soi zukunft pittnåndar pinn vorsitzar vodar autonome Provìntz vo tria Maurizio Fugatti.

Dar Festival von djungen von Euregio opfart an schümman kulturål un rikreatif progråmm boda innhaltet trèff pinn firme von Euregio boda machan näüge sachandarn un trèff zo reda pitt espèrte. Darzuar pinn Festival di djungen mang khennen åndre djunge alt azpe se boda zuarkhemmen vo alln in lentar von Euregio.

Ma makse innschraim sin atz 14 von prachant atz: <https://www.europaregion.info/it/festival/>. Åna zo mocha zaln.

Dar progråmm vodar trentinar vorsitzung untar in spruch “dar Euregio iz djung” iz pròpio vor di djungen. Dar vorsitzar vodar autonome Provìntz vo Tria Maurizio Fugatti halteta zo khöda bia “dar Festival von djungen iz a guatar mustar: di djungen khennen in Euregio un khennen djunge vo auz in konfin. Asó mangsa vorstian in Euregio un disar gelånk zo bokhenna di djungen un vorstian bazza hettatn mångl.

Übarsetzt von Schaltarle vor di zung von Toalkamou vodar Zimbar Hoachebene
(Traduzione a cura dello Sportello linguistico della Magnifica Comunità degli Altipiani Cimbri)

(cdt)